

КАНОН ПРАВЕДНОМУ СИМЕОНУ ВЕРХОТУРСКОМУ

Память празднуем 12 (25) сентября

Тропарь, глас 4-й

Днесь радуется сла́вная страна́ Сибі́рь, обрѣт святы́я мо́щи тво́я внутрь себѣ. Архиере́и, священни́цы и весь сонм людскі́й духо́вне веселя́щися, вопи́ем ти: о Богому́дре Симео́не! Изба́ви нас, и́же к тебѣ прибега́ющих, от всех бед, прося́ще пода́тися всем по коего́ждо прошѣ́нию, и изба́вители́ странѣ сей и гра́ду от о́гненнаго запале́ния и пога́нскаго наше́ствия и междоусо́бныя бра́ни и от всякаго зла. Те́мже и мы вси чем ны́не честны́х и многоцеле́бных мо́щей тво́их пренесе́ние, но́вый целе́бниче, и вопи́ем: сла́ва Даю́щему тобо́ю всем исцеле́ние!

Ин тропарь, глас 4-й

Мирска́го мяте́жа бе́гая, все жела́ние обрати́л еси́ к Бо́гу, да в видѣ́ния восхо́д обря́щещи горе́, отню́дуже не уклони́вся в лука́вствия се́рдца, но очи́стив ду́шу и те́ло, прия́л еси́ благода́ть точи́ти цельбы́ ве́рным и неве́рным, притека́ющим к тебѣ́, пра́ведный Симео́не. Те́мже, по да́нному ти да́ру, испроси́ у Христа́ Бо́га исцеле́ние нам, боля́щим душе́вными страстьми́, и моли́ спасти́ ду́ши на́ша.

КАНОН, глас 3-й

Песнь 1

Ирмос: Во́ды дрѣвле ма́нием Божѣ́ственным во еди́но со́нмище совокупі́вый и разделі́вый мо́ре израі́льтеским люде́м, Сей Бог наш, препросла́влен есть, Тому́ Еди́ному по́им, я́ко просла́вился.

Припев: Святы́й пра́ведный о́тче наш Симео́не, моли́ Бо́га о нас.

Омраче́нный греха́ми, недоуме́ю, ка́ко по досто́янию восхвали́ти тя, свя́те Симео́не, сия́юща по благода́ти Христо́вой, по́двиг и чуде́с тво́их све́тлостью. Ты ми, благосе́рде, помози́, возсия́вая в ду́ши мо́ей свет, и́мже осия́ваеши́ся, я́ко да поне́

елико воспую в похваление твое являющаяся на тебе чудная дела Господня, воззывающая всех, празднующих память твою пети Владыце Христу: сей Бог наш, дивный и славимый во святых Своих, препрославлен есть, Тому Единому поим, яко прославися.

Святыи праведный отче наш Симеоне, моли Бога о нас.

Благочестия любовию и спасения объят быв, избегаяй того ради треволнений житейских, удалился еси, блаженне Симеоне, от рода твоего и манием Божественным изведен был еси в малонаселенную иногда страну Сибирскую, идеже пресельник быв земли отеческия, подобник явился еси праотцу Аврааму и стяжав нрав его, в хижинах убо убогих витаяй, яко же он в кущах. Душу же впевив в Небеси, в горний Сион добродетелей стезею ходил еси, ведущею на Небо, всю жизнь твою, во славу Христа Спаса всех, ти споспешествующа. Ему же вся сия научают, нас радостно днесь звати: Сей Бог наш, препрославлен есть, Тому Единому поим, яко прославися.

Святыи праведный отче наш Симеоне, моли Бога о нас.

По рождению твоему, блаженне, быв отраслию благонароচিতых людей и славных в народе своем, егда манием Божественным Сибири дошел еси, абие отгнал еси от себе самомнения прелесть, и смирению подклонил еси выю, себе вменяяй последнейша от всех, таже труды многими тело твое удручил еси, и укротил свирепое страстей море воздержанием, и тако возшел еси на высоту добродетелей, укрепляюще тя Христу, прославляемому твоими благими делы. Ему же велегласно Того ради вопием: сей Бог наш, препрославлен есть, Тому Единому поим, яко прославися.

Святыи праведный отче наш Симеоне, моли Бога о нас.

В нищете пожил еси в Сибирстей стране, блаженне Симеоне, и яко от корене благоплодна плод благоцветущ, добродетельми обогатился еси. Темже, вельми украсивша тя Божественными добротами толико нам вожеленными, и сими прославленна, Владыку Христа, песньми славословим зовуще: сей Бог наш, препрославлен есть, Тому Единому поим, яко прославися.

Слава: Столп добродетелей непреложен и благочестия

жилище был еси, блаженне, имея основание ибо твердое Православную веру, пособие же непобедимо содействующую ти силу Христову. И ныне, имея дерзновение ко Христу Спасителю всех, моли Его, даровати к прославлению Имени Его всем нам утверждение силою Его, в сей толико спасительней вере, яко да вси едиными усты согласно зовем Ему: Сей Бог наш, препрославлен есть, Тому Единому поим, яко прославися.

И ныне: Преблагословенна еси, Богородице Дево, яко родила еси Христа Спаса нашего, Егоже славословим, яко Единороднаго от Отца, исполнь благодати и истины, и Емуже выну зываем: Сей Бог наш, препрославлен есть, Тому Единому поим, яко прославися.

Песнь 3

Ирмос: Неplодная душа и безчадная, стяжи плод благославный, веселящися возопий: утвердихся Тобою, несть свят и несть праведен, паче Тебе, Господи.

Святыи праведный отче наш Симеоне, моли Бога о нас.

Православною верою утвердившися, блаженне Симеоне, стяжал еси благославный плод ея, обогативый тя добродетельми, обаче николиже велемудрствовал еси о себе, и не дал еси человекоубийце искони обуяти тя тщеславием. Но выну водился еси смиренномудрием, яко видети тя присно всем, аки бы усвоиша себе песнь единого от Богомудрых: утвердихся тобою, Боже, несть свят и несть праведен, паче Тебе, Господи.

Святыи праведный отче наш Симеоне, моли Бога о нас.

С ницетою телесною соединив ницету духовную, яко корень всех благих, молчаливо и благочестно твою жизнь совершил еси, блаженне Симеоне, и явил еси в себе плод благославный Православныя веры, предукрепив पहले тело твое постом неослабным, таже душу твою храм Божий пресвят соделав, Божественным храмом присядящи, внигда петися тамо священным песнопениям, всем имущим един сей разум: несть свят и несть праведен, паче Тебе, Господи.

Святы́й пра́ведный о́тче наш Симео́не, моли́ Бо́га о нас.

Сугу́бо благо́роден был еси́, блаже́нне Симео́не, и ро́дом и нра́вы: души́ бо твоея́ благо́родие, благо́рдия свы́ше добро́тами уясни́л еси́, Правосла́вия све́том блиста́ющи, и по́стничеством, и целому́дрием, и смире́нием и терпе́нием, и му́жеством на го́рдаго зми́я, егоче́ си́ми низложи́л еси́, соде́йствующу ти Христу́, и та́ко дости́гл еси́ блаже́нных селе́ний святы́х. Ихже во усте́х коего́ждо вы́ну бысть песнь Це́ркви: утверди́хся Тобо́ю, Бо́же, несть свят и несть пра́веден, па́че Тебе́, Го́споди.

Слава: Дре́во благосенноли́ственное, насажде́нное при исхо́дищих вод, е́же дае́т плоды́ во вре́мя свое́, был еси́, блаже́нне Симео́не. Ты бо измла́да напо́ен быв вода́ми благоче́стия, израсти́л еси́ добродете́лей плоды́ благоприя́тны Бо́гу, Дарова́вшему ти за та́я живо́т вэ́чный. Егоче́ и нас сподо́би моли́твами твои́ми ко Го́споду, я́ко да и в гряду́щем ве́це, я́коже днесь воспева́ем Ему́: несть свят и несть пра́веден, па́че Тебе́, Го́споди.

И ныне: Те́рние и во́лчцы грехо́в непло́дны содева́ют ду́ши на́ша, Милосе́рдая Ма́ти Христа́ Бо́га на́шего, моли́ с пра́ведным Симео́ном Сы́на Твоего́ сотвори́ти ни́ву душ на́ших, во е́же прино́сит Ей плод благосла́вный и́стинныя ве́ры, несумне́нныя наде́жды и нелицеме́рныя любве́. Я́ко да вы́ну воспева́ем Ро́ждшемуся от Тебе́: утверди́хомся Тобо́ю, Бо́же, несть свят и несть пра́веден, па́че Тебе́, Го́споди.

Го́споди, поми́луй (трижды).

Седален, глас 4-й

Храм Бо́гу хотя́ яви́ти, се́рдце твоё, блаже́нне Симео́не, изво́лил еси́ неле́нотно присещáти хра́мы Господни в часы́ песнопéний. Отону́дуже и прия́л еси́ свет благода́ти Свята́го Ду́ха, и яви́лся еси́ звездó многосве́тлая, све́тлаго ра́ди жития́ твоего́, и чистоты́ душе́вныя же и телéсныя, озаря́яй ве́рных собра́ния. Те́мже пра́зднующе па́мять твою́, ра́достно восхваля́ем тя, блаже́нне.

Сла́ва, и ныне: Храм Све́та Неизрече́ннаго была́ еси́, Всепе́тая Де́во, вмещи́ во чре́ве Твое́м просвещáюща и

освеща́ющая ми́ра концы́ Христа́ Бо́га на́шего. И ны́не, моли́твами Тво́ими с пра́ведным Симео́ном соде́лай прича́стниками Того́ Све́та и нас, Богоро́дицу Тя вои́стинну имену́ющих.

Песнь 4

Ирмос: Положи́л еси́ к нам твёрдую́ любóвь, Го́споди, Единоро́днаго бо Твоего́ Сы́на за ны на смерть дал еси́. Те́мже Ти зове́м благода́рне: сла́ва си́ле Твое́й, Го́споди.

Святы́й пра́ведный о́тче наш Симео́не, моли́ Бо́га о нас.

Непосты́дно бысть твоё, блаже́нне, на си́лу и по́мощь Человеколю́бца Го́спода, преда́вша Сы́на Своего́ за ны на смерть, упова́ние, имже укре́плъ ду́шу твою́, не ужа́слся еси́ вступи́ти в по́прище по́двиг твои́х. Го́сподем бо помога́ем, пе́рвее удержи́л еси́ в постё́ чре́во твоё, та́же воздержáния росóю до́бльственне страсте́й пещь погаси́л еси́, и та́ко мра́ка их изба́влься, просия́л еси́ безстра́стия све́тлостию. Се́ю же показа́л еси́ нам путь, веду́щий в жизнь и́стинную. Те́мже восхваля́юще тя Го́споду, Дарова́вшу си́лу и кре́пость, поём: сла́ва си́ле Твое́й, Го́споди.

Святы́й пра́ведный о́тче наш Симео́не, моли́ Бо́га о нас.

Наса́ждён быв при вода́х воздержáния, блаже́нне, лоза́ яви́лся еси́ благо́расленна, благоче́стия грóзде предлага́ющая. К сим же пока́зается еси́ всем и о́браз трудолю́бия, подо́бся бо скинотво́рцу Апóстолу, рука́ми свои́ми приобрета́вшему себе́ и су́щим с ним вся́ потребна́я к жи́зни вре́менной, упражня́лся еси́ в швэ́нии оде́жд други́м и в ловле́нии рыб, на потре́бу к жи́зни, я́ко да не отяготи́ши ко́его ли́бо пропита́нием тебе́. Те́мже укре́плю́ тя о сем Христу́ Бо́гу поём: сла́ва си́ле Твое́й, Го́споди.

Святы́й пра́ведный о́тче наш Симео́не, моли́ Бо́га о нас.

Тружда́ясь в швэ́нии оде́жд, блаже́нне, к смотре́нию мы́сленных твоё́ худо́жество упра́вил еси́, помышля́я одея́ние ду́ши твоея́, в нем же да вни́деши в черто́г Спа́сов. Та́кожде, уди́цею ры́бы ловя́й, вы́ну мысль к Бо́гу имёл еси́, блюды́й себе́, я́ко да не уди́цею греха́ уловле́н бу́деши от вселука́ваго

врага спасения нашего. И тако непреложен имей помысл благочестия, устроил еси жизнь твою по Бозе, Христу ти споспешествуя: Емуже, сведуще сия, велегласно поем: слава силе Твоей, Господи.

Слава: Тезоименно услышанию, имже преднареклся еси в Крещении, блаженне, поучаяся Святому послушанию, самым делом исполнитель онаго был еси, нрав сообразный имени твоему стяжав. Готов бо был еси всегда послужити всем, требовавшим твоей, благосерде, помощи в житии твоём, и служил еси, елико мог со усердием увелив ко всем весь являясь, и честен и послушлив. Разумеюще убо, яко и сие дарование ти дадеся от Христа Бога, поем Ему: слава силе Твоей, Господи.

И ныне: Имаши вся мочи, еже аще хочещи, Всеблагая Мати Христа Бога нашего, употребляючи Матернее дерзновение к Немю. Темже молим Тя, моли с праведным Симеоном, Сына Твоего, даровати нам силу и крепость шествовати неуклонно путем добродетелей, яко да благодарно выну зовем Ти: слава, Владычице, всемогущей силе Твоей.

Песнь 5

Ирмос: На земли Невидимый явился еси и человеком волею сожил еси, Непостижимый, и к Тебе утренююще, воспеваем Тя, Человеколюбче.

Святыи праведный отче наш Симеоне, моли Бога о нас.

Имей в сердце своем образ восхощена до третьего Небесе в рай, апостола, рекша: мы юроди Христа ради, ты, блаженне Симеоне, таковое юродство волею восприял еси на тя, яко бо цветник благоуханнейший и добродетелей рай одушевлен, воздержанием процвел еси. Обаче хотя утайтися от человек, юрод был еси миру, сам ся не благороден сотвори, скудоумия притворении, Христу же премудр был еси, совершая преславная, безстрастия достигл еси истиннаго. Темже восхваляюще тя, песненно прославляем Давшаго ти таковую мудрость, Христа Человеколюбца.

Святыи праведный отче наш Симеоне, моли Бога о нас.

Уму страсти твоя подчинив, блаженне, духовную мудрость

стяжал еси. И, сею управляем, нищету возлюбил еси и воздержание, и чистоту, и смиренномудрие. И тако силе Христовой ти содействующей, на высоту добродетелей востекл еси, имиже зря тя Христос обогатившася, человеколюбче призре на тя, и славы Царства Небеснаго покажетя причастника, преславна: Егоже моли и нас сподобити общники быти тоя, яко да во веки воспеваем Его Человеколюбца.

Святыи праведный отче наш Симеоне, моли Бога о нас.

Юродствуяи Христа ради, блаженне, и тако бисер многоценный добродетелей, в селе сердца твоего сокровенный имевый, яко безплотен на земли пожил еси, и соделался угодник Христу, Иже тя, в возмездие того, прослави нетлением и чудесы, и постави молитвенника о людех Своих. Сего ради ублажающе тя, величаем Прославльшаго тя, Господа Человеколюбца.

Слава: Велию сотворил есть Господь милость Свою с нами, даровав нам тебе, блаженне, источника чудес и молитвенника о нас. Темже ублажающе тя днесь в памяти твоей, славим Давшаго ти и нам таковую благодать, вопиюще: к Тебе утренююще, Господи, воспеваем Тя, Человеколюбче.

И ныне: Архангельский глас вопиет Ти, Чистая Приснодево: радуйся, Благодатная, яко родила еси Спасителя миру, Христа Человеколюбца.

Песнь 6

Ирмос: Глубина страстей воста на мя и буря противных ветров, но, предварив, мя Ты спаси, Спасе, и избави от тли, яко спасл еси от зверя пророка.

Святыи праведный отче наш Симеоне, моли Бога о нас.

Воздержания ветрилом управляемь в житии твоём, блаженне, достигл еси в безстрастия славная пристанища, и тако спаслся еси от тли душепагубных страстей. Господь же, по преставлении твоём избави тело твое от тли, и яви е нетленно, аще и многа лета пребысть в недрах земных. И ныне моли, благосерде, Господа, яко да спасет и нас от всякия тли, якоже спасл есть тебе от тли и от зверя пророка.

Святы́й пра́ведный о́тче наш Симео́не, моли́ Бо́га о нас.

Враг спасе́ния, искуша́яй нас на грехи́, сластьми́ пали́т, но, коль сия́ па́губна суть, су́щи тля сме́ртная. Тлят бо добро́ту души́ на́шей, тлят и здра́вие те́ла, и к сим гото́вят нам огонь неугаса́ющий, и червь неумира́ющий. Блаже́нне Симео́не, предсто́я с ли́ки Ангелов и святы́х Бо́жих челове́ков Престо́лу Влады́ки, моли́ Его́ с ни́ми, я́ко да изба́вит от губи́тельства сласте́й и спасе́т нас, вопи́ющих Ему́: спаси́, Спа́се, и изба́ви от тли, я́ко спасл еси́ от зве́ря проро́ка.

Святы́й пра́ведный о́тче наш Симео́не, моли́ Бо́га о нас.

Мно́го согреша́юще на вся́кий час и грехми́ при́сно растлева́емии, та́ко сля́чени есмь, я́ко не мощи́ нам восклони́ти главы́ и возре́ти когда́ к Небе́сней добро́те, и бу́рею проти́вных ветро́в та́ко уноси́ми дале́ко от пу́ти добродете́лей и от стези́ покая́ния, я́ко колеба́тися в нас упова́нию спасе́ния. Ты же, блаже́нне, предсто́я ны́не Всесвято́му, к Нему́ же и бога́тное стяжа́л еси́ дерзнове́ние, моли́, изба́вити ны от тли грехо́вныя и бу́рю тех проти́вных ветро́в утоли́ти, вопи́ющия: спаси́, Спа́се, и изба́ви от тли, я́ко спасл еси́ от зве́ря проро́ка.

Слава: Блаже́н еси́, свя́те Симео́не, и добро́ тебе́ есть, поне́же Госпо́дь зря́ тя пра́ведна, вчини́ с ли́ки святы́х во Оби́телях Небе́сных, изба́вь та́ко геенны, су́щи тли ве́чныя. Ея́же изба́вится и нам моли́, Христа́ Бо́га, пою́щим Ему́: спаси́, Спа́се, и изба́ви от тли, я́ко спасл еси́ от зве́ря проро́ка.

И ныне: Пречи́стая Влады́чице, Цари́це Небе́сная, стра́хом тли ве́чной сме́рти содержи́мии, мо́лимтися, моли́ с пра́ведным Симео́ном, Сы́на Твоего́ Христа́ Бо́га на́шего, я́ко да изба́вити нас то́я вопи́ющих: спаси́, Спа́се, и изба́ви от тли, я́ко спасл еси́ от зве́ря проро́ка.

Го́споди, поми́луй (трижды). Слава, и ныне:

Кондак, глас 4-й

Наста́ днесь всечестна́я па́мьят но́ваго целе́бника пра́веднаго Симео́на, созыва́ет же лю́дие в пречестны́й храм свята́го Бо́жия архиере́я Никола́я, иде́же ра́достно соше́дшеся благочестивы́х

мно́жества, вѣсело прáзднуют пренесѣние честных и многоцелѣбных мощей твоих прáздник. Ты бо явился еси граду нашему, и всей Сибири врачевство безмѣдное, подавая исцелѣние с вѣрою приходящим к тебе, Симеоне всеблаженне! Но яко имѣяй дерзновение ко Владыце Христу́, Того моли спасти град и люди, молящиеся тебе, паче же ходатай буди ко Господу во дни нашѣствия печали рабѣм твоим, да зовѣм ти: радуйся, Сибирстей странѣ похвало и утверждение граду нашему.

Икос

Многоцелѣбнаго сокровища чудотворных мощей твоих недра подземная не сокрыша, праведный Симеоне, но в обогащение издаша тая притекающим верным и неверным. Темже приидите вси и примите богатых ток цельбы. Щедрого бо Владыки раб щедрит и даѣт, и есть в подаянии неоскуден. Восхваляюще убо в пѣснях заступника и благодѣтеля нашего, да зовѣм ему: радуйся, Сибирстей странѣ похвало и утверждение граду нашему.

Песнь 7

Ирмос: Якоже древле благочестивый три отроки оросил еси в пламени халдейском светлым Божества огнем и нас озари, благословен еси, взывающия, Боже отец наших.

Святыи праведный отче наш Симеоне, моли Бога о нас.

Благочестие трех отроков вавилонских привлече к ним светлый Божества огонь, сущую благодать Божию, сохраняющую их в пламени халдейском невредимы. Тожеде благочестие привлече и к твоему, блаженне, телу благодать, сохраняющую е невредимо от тли в недрах земных. И ныне, пребывающий с ними, Симеоне, яко причастник Божественнаго огня, возжги в нас огонь ревности по благочестию, яко да и мы сим сохраняшеся пламене страстей, восприимем песнь оных отроков, еже взывати Христу́ выну: благословен еси, Боже отец наших.

Святыи праведный отче наш Симеоне, моли Бога о нас.

Чудно бысть халдеем видение трех отроков, неопалившихся пламенем огня. Такоже удивишася христоименити люди и

умили́шася сёрдцем, ви́девшѣ твой гроб, блаже́нне, восходя́щ от земли́. Егда́ же узре́ша в нем нетле́нныя мо́щи тво́я и точа́ща чудесы́ пресла́вны Божество́нною си́лою, в них обита́ющею, и па́че почуди́шася и стра́хом и ра́достию объ́яти бы́вше со умиле́нием славосло́вяху Го́спода, дивна́я Творя́щаго во святы́х Свои́х. Те́мже и мы торжествую́ще днесь па́мять твою́, свя́те, гла́сом три́ех о́нех отроко́в, благодарственно́ взыва́ем Христу́ Спа́су всех: благословѣ́н еси́, Бо́же оте́ц на́ших.

Святы́й пра́ведный о́тче наш Симео́не, моли́ Бо́га о нас.

Вои́стинну ве́лие, я́коже то три́ех отроко́в в Вавило́не, та́кожде и твоё, блаже́нне, бысть о́но чу́до, я́ко честны́я мо́щи тво́я, по толи́цах ле́тех обрето́шася це́лы и неразруши́мы, быв сохраня́емы в земли́ Божество́нною благода́тию, и изда́вшася си́лою ей от недр земных, я́ко свети́льник, егóже Господь поста́ви не под спúдом, но на све́щнице, да свѣтит всем сия́нием чудес, озари́ша и обогати́ша правосла́вных разумѣ́нием Божество́нным. Уцелому́дритесь ны́не, вопи́ющии, и возлюбите па́че всех Го́спода, да благода́ть обря́щете ве́чную, ещѣ́ же и пода́юще всем исцелѣ́ние притека́ющим к тебѣ́. Тебѣ́ же и мы покланя́ющася, ра́достно поѣ́м песнь три́ех о́нех отроко́в, Христу́ сподо́бившу нас таковы́я благода́ти. Благословѣ́н еси́, Бо́же оте́ц на́ших.

Слава: Я́ко фи́никс процветѣ́ тело́ твоё нетле́нием, блаже́нне, и я́ко кедр, и́же в Лива́не, умно́жися чудесы́, принося́щи Божество́нную жизнь. Сего́ ра́ди Сиби́рская страна́, имѣ́я тебѣ́ моли́твенником, я́ко Божество́нный зри́тся рай, цветы́ различны́я принося́ чудес. Ими́же, я́ко дре́вле вавило́няне чу́дом три́ех отроко́в вразумля́еми бы́ша в и́стинной сих ве́ре, та́ко лю́дие спаса́емии при́сно утвержда́ются в и́стинней ве́ре Бо́жией, вводя́щей в живóт ве́чный, егóже да́рует Господь Свои́м уго́дником, благословѣ́н Сый Бог оте́ц на́ших.

И ны́не: Зри́ши, Пресвята́я Де́во, я́ко в пла́мени грехóвном исчеза́ют днѣ́е на́ша. Моли́твами Твои́ми с пра́ведным Симео́ном сотвори́, я́ко да не погубит сей пла́мень нас до конца́, но росóю свѣтлаго Божество́ннаго огня́ уту́шен бу́дет. И мы та́ко невредѣ́мы от пла́мене его́ явѣ́вшася, Подáтелю тогó огня́ Сы́ну Твоemú вы́ну взыва́ем: благословѣ́н еси́, Бо́же оте́ц

наших.

Песнь 8

Ирмос: Нестерпимому огню соединившися, Богочестия предстояще, юноши, пламенем же невреждени Божественную песнь пояху: благословите вся дела Господня, Господа, и превозносите во вся веки.

Святы́й пра́ведный о́тче наш Симео́не, моли́ Бо́га о нас.

Якоже благочестивии отроцы в печи вавилонстей пламенем иногда невреждени быша, Божественною силою тако сподобившийся помощи твоея, блаженне, спасени бывша от многоразличных зол, яко пламенем огня их обдержавших. Темже обновляющихся в душах верных чудеси твоя днесь в памяти твоей, якоже чудо в печи вавилонстей юноши оны, пети всех научают: благословите вся дела Господня, Господа, и превозносите во вся веки.

Святы́й пра́ведный о́тче наш Симео́не, моли́ Бо́га о нас.

Боготочный источник, орошающ страждущих в пламени нестерпимых зол, Господь яви ты, блаженне, яко воистинну сокровище дарований, мы же, молитвами твоими, сподобляемся быти невредимы от злых. От неизвестных бо вод духовныя благодати всем, с теплою верою прибегающим к тебе, подаеши благопотребная ко спасению, и тако твориши, яко да вси радостно торжествующе память твою, согласно вопием: благословите вся дела Господня, Господа, и превозносите во вся веки.

Святы́й пра́ведный о́тче наш Симео́не, моли́ Бо́га о нас.

Чудес твоих, блаженне, реки излившися исцелений, бездну ты явиша, точащу благодать Господа. Инии бо стражда нестерпимою болью во очию своею, перстию токмо от гроба твоего обложивше я, и о сем укрепившися, прозреша, друзии же прикосновением токмо к мощам твоим облегчение в болезни получиша; прежде сущии немии глаголение прияша: печальнии крепкое утешение, хромии благотечение, разслабленнии исправление, болящии ногами здравие; такожде мнози утробы неплодны соделашася многочадны, пьющи токмо воду от места

явлѣнія твоихъ мощей, мнози же елеемъ отъ кандила твоего исцѣлишася отъ неисцѣльныхъ болѣзней. И всемъ всяко проливаеши тучи врачеваний, уставляюще палѣние недуговъ, и люди сихъ свободившиися устраеши песнопѣти: благословіте вся дела Господня, Господа, и превозносите во вся вѣки.

Слава: Вельми ты прослави Господь, блаженне, в чудесехъ, отъ любви бо веры святое токмо имя твое призывающии, абие услышаны бывають якоже плененнии иногда погаными, и страждущии отъ духъ нечистыхъ, и инии мнози болящии, и николѣже скудны помощи твоей оставляются. И не точно тщащимся имя твое нарицати, но и образъ твой, любовь, яже къ тебѣ, написующимъ, великъ помощникъ являеши. Къ симъ же и невѣдущимъ ты болящимъ, аще и во мнози страны и веси произыде и слышана бысть слава имени твоего, в соннихъ являясь, врачуеши я. Темже память твою празднующе, в прославление Господа Прославльшаго тако ты велегласно взываемъ: благословіте вся дела Господня, Господа, и превозносите во вся вѣки.

И ныне: Образы носящи древле Твоего Рождества юноши не опаляетъ, Дѣво, пещь, якоже не опали утробу Твою Огнь Божественный. Вся бо творитъ Исусъ Сынъ Твой, Богъ и Человѣкъ, Егоже превозносимъ во вся вѣки.

Песнь 9

Ирмос: Благословенъ Господь, Богъ Израилевъ, воздвигнувый рогъ спасения намъ въ дому Давида, отрока Своего, милосердия ради милости, въ нихъ же посети насъ Востокъ съ высоты и направилъ ны есть на путь мѣра.

Святыи праведный отче нашъ Симеоне, моли Бога о насъ.

Благословенъ Господь Богъ, явивый ты, блаженне, споспешника всемъ ко спасению житиемъ твоимъ и наставника словомъ. Лѣствица бо Небовосходная житие твое бысть, слово же твое благодатию срастворено есть, научающии трезвению души и телъ, и воздержанию по благочестию, и тако направляющии всехъ на путь мѣра.

Святыи праведный отче нашъ Симеоне, моли Бога о насъ.

Благословенъ Господь Богъ, Даровавый намъ тебѣ, блаженне,

чудотворца предивна, купно же и стену и предградие от языкозлбия и озлобления заблуждших от истинныя веры. Ихже чудесы от мощей твоих далече отгнал еси от области Верхотурския, не терпя рачителей ересей и хуления исполненных на Православие быти тамо, идеже явися мощи твоя: чудная бо знамения от сих, яко огонь палящ, явися в посрамление еретиком, нам же всем во утверждение и на путь мира.

Святыи праведный отче наш Симеоне, моли Бога о нас.

Благословен Господь Бог, поставивый тя, блаженне, ходатая на Небеси и молитвенника о нас. Аще бо и земля сокрыла тя, но горе ты вси богата имамы предстателя и молитвенника к Богу, любовью чтущия тя, якоже иногда молитвами твоими, спасл еси иныя от потопления, иныя от огненнаго запаления, призывающия святое имя твое и молящияся тебе о помощи, и иныя от неизбежныя смерти в болезни их: и тако всех направил еси на путь мира.

Слава: Благословен Господь Бог, сподобивый прославление твое, блаженне, светозарное и чудесы преславная воспети, елико мощно, есть нам. Ты же, благосерде, не остави помощи твоея от нас, со умилением просим тя, и не помяни беззаконий наших, но обратися на милость, и моли милостиваго Бога, даровати мир миру, и всем согрешений прощение и душам, и телесем здравие и направити всех на путь мира.

И ныне: Благословен Господь Бог, Тобою, Пресвятая Дево, Посетивый нас Восток свыше, просветити во тьме и сени седящая, и направити ноги наша на путь мира.